

**PREGO DE PRESCRIPCIÓN ADMINISTRATIVAS E TÉCNICAS PARA
ADXUDICACIÓN MEDIANTE PROCEDIMENTO ABERTO DUN CONTRATO DE
SERVIZOS**

- **LOTE 1: ACTUALIZACIÓN DOS CONTIDOS E DESEÑO GRÁFICO E VISUAL DO OBSERVATORIO GALEGO DA BIOMASA**
- **LOTE 2. ELABORACIÓN DO CATÁLOGO DE CAPACIDADES INDUSTRIAIS DA ENERXÍA DA BIOMASA EN GALICIA**

Convenio de colaboración firmado entre o Clúster da Biomasa de Galicia e o Instituto Enerxético de Galicia (INEGA)

Índice

1. INTRODUCCIÓN AO PROXECTO.....	3
2. NECESIDADE DE EXTERNALIZACIÓN E TAREFAS ESPECÍFICAS	4
a. CONDICIÓNS TÉCNICAS MÍNIMAS INEXCUSABLES	4
b. ESPECIFICACIONES DE OBLIGADO CUMPLIMIENTO.-	4
3. EQUIPO REQUIRIDO.....	6
4. DURACIÓN DO CONTRATO	6
5. ORZAMENTO DA LICITACIÓN	6
6. DOCUMENTACIÓN A PRESENTAR	6
a. Documentación Administrativa.....	6
b. Documentación Técnica.....	7
c. Documentación Económica	7
7. PROCEDEMENTO DE ADXUDICACIÓN.....	7
a. Capacidade para contratar	7
b. Solvencia Económica e técnica	7
c. Mesa de Contratación.....	8
d. Criterios de valoración.....	8
e. Documentación Xustificativa	8
f. Publicidade	8
8. ANEXO 1. MODELO DE OFERTA ECONÓMICA.....	9

1. INTRODUCCIÓN AO PROXECTO

O 10 de xullo de 2025, o Clúster da Biomasa de Galicia e o Instituto Enerxético de Galicia (INEGA), firmaron un convenio de colaboración cuxo obxectivo pasaba por deseñar e poñer en marcha unha serie de accións que permitisen desenvolver e consolidar ao sector e impactasen de maneira significativa na mellora da calidade de vida dos habitantes de Galicia, así como na competitividade das empresas galegas mediante o fomento do uso da biomasa local.

Esta colaboración entre o Clúster e INEGA permitirá, principalmente, cumprir os seguintes obxectivos específicos a través de diferentes actividades:

- Desenvolver actuacións conxuntas específicas que permitan garantir a consecución dos retos e obxectivos, identificando fontes de financiamento, autonómico, estatal ou europeo que visibilicen as propostas estratéxicas.
- Impulso de accións participativas que integren aos principais axentes de relevancia no eido da biomasa en Galicia e estableza unha canle aberta de comunicación entre as partes co fin de compartir información de relevancia para o deseño de proxectos.
- Apoiar con información relevante as iniciativas privadas que desexen impulsar proxectos vencelladas a valorización da biomasa como fonte de enerxía renovable e autóctona con impacto no medio.
- Potenciar o ecosistema da bioenerxía para que se estenda polo territorio galego co obxectivo da independencia enerxética e da eliminación de combustibles fósiles.
- Mellorar o grao de autonomía enerxética da poboación e empresas galegas.
- Explorar vías de financiamento para o impulso de proxectos estratéxicos de interese común para ambas partes no sector da biomasa en Galicia.

As actividades incluídas no convenio dividiríanse nos seguintes bloques:

- Actualización dos contidos e deseño gráfico e visual do Observatorio Galego da Biomasa.
- Posta en marcha dun programa para o deseño de proxectos estratéxicos para o impulso, consolidación e posta en valor do sector
- Actividades de difusión e comunicación
- Elaboración do Catálogo de capacidades industriais da enerxía da biomasa en Galicia.

Así, as actividades obxecto de contratación do presente concurso serán as seguintes:

- LOTE 1: Actualización dos contidos e deseño gráfico e visual do Observatorio Galego da Biomasa.
- LOTE 2: Elaboración do Catálogo de capacidades industriais da enerxía da biomasa en Galicia.

As ofertas poderán presentarse para unha das actividades detalladas neste pregos ou ben para as dúas accións descritas.

O desenvolvemento destas actividades está cofinanciado ao 90% polo INEGA e o seu horizonte temporal para a execución das actividades abarca ata o 15 de decembro de 2025.

O presente prego constitúe un conxunto de instrucións, normas e especificacións que rexerán a contratación por parte do Clúster da Biomasa das actividades que se relacionan a continuación e que se consideran as mínimas que teñen que reunir as ofertas a presentar para ser consideradas como válidas.

2. NECESIDADE DE EXTERNALIZACIÓN E TAREFAS ESPECÍFICAS

a. CONDICIÓN TÉCNICAS MÍNIMAS INEXCUSABLES

As especificacións técnicas que se detallan neste prego entenderanse aceptadas expresamente polos ofertantes polo mero feito de concorrer ao presente procedemento.

b. ESPECIFICACIONES DE OBLIGADO CUMPLIMIENTO.-

ANTECEDENTES:

Convenio: CONVENIO ENTRE A AXENCIA INSTITUTO ENERXÉTICO DE GALICIA (INEGA) E O CLÚSTER DA BIOMASA DE GALICIA PARA A REALIZACIÓN DE ACTIVIDADES DE DINAMIZACIÓN, IMPULSO E DIFUSIÓN DO SECTOR DA BIOMASA EN GALICIA.

Data de finalización prevista: 15/12/2025

O Clúster da Biomasa de Galicia, tal e como está disposto no mencionado convenio, considera necesario contratar os servizos externos de apoio con experiencia nas actividades e tarefas a executar, dados os recursos dos que dispón o Clúster para a execución das tarefas contempladas nos diversas accións, e co fin de cumprir co calendario establecido para a súa correcta execución.

TAREFAS A DESENVOLVER:

A continuación, desglósanse as principais actividades e tarefas obxecto de contratación ao abeiro deste prego e a desenvolver polos concursantes:

- **LOTE 1: ACTUALIZACIÓN DOS CONTIDOS E DESEÑO GRÁFICO E VISUAL DO OBSERVATORIO GALEGO DA BIOMASA (<http://www.observatoriobiomasa.gal/es/>)**
 - **Recompilación de datos:** procura, filtrado e análise de información sobre uso de biomasa como fonte de enerxía, a dispoñibilidade de recursos de biomasa, así como as políticas, regulamentos e axudas públicas relacionadas.
 - **Análise de tendencias actuais do sector da biomasa:** avances tecnolóxicos, cambios nas políticas enerxéticas, desenvolvemento de novos mercados e evolución de prácticas de sustentabilidade.
 - **Elaboración e actualización de informes e publicacións** (contidos), con información alienada ca disposta na web da Oficina da Biomasa de Galicia.

- **Actualización da plataforma web:** Publicación de contidos previamente elaborados, así como actualización de estatísticas, informes, noticias e recursos relacionados coa biomasa en Galicia e a imaxe visual da web.

Entregables: Web observatorio galego da biomasa actualizada, contidos elaborados.

- **LOTE 2. ELABORACIÓN DO CATÁLOGO DE CAPACIDADES INDUSTRIAIS DA ENERXÍA DA BIOMASA EN GALICIA**

- Identificación dos actores clave.
- Avaliación de habilidades: Recoller datos acerca das habilidades presentes dos actores detectados, tales como a súa infraestrutura tecnolóxica, capital humano, experiencia, servizos prestados e campos de especialización.
- Recoñecemento de requirimentos: Analizar as demandas tecnolóxicas, educativas, de recursos ou de cooperación de cada participante, co obxectivo de suxerir solucións que poidan ser atendidas dentro da rede de coñecemento.
- Elaboración do catálogo de capacidades en formato dixital, baixo o seguinte índice:
 1. Introducción.
 2. Obxectivo
 3. Ecosistema do sector da biomasa en Galicia.
 4. Recursos industriais do sector da biomasa en Galicia.
 - Empresas
 - Asociacións e Entidades.
 - Axentes económicos e sociais.
 - Asociacións sectoriais/agrupacións industriais.
 - Catálogo de grupos de investigación.
 - Proxectos distintivos e innovadores.

Entregables: Informe preliminar onde se inclúa o estudo inicial dos actores claves detectados cas súas habilidades e recoñecementos; Informe final onde se inclúa o resultado final do Catálogo de capacidades industriais da enerxía da biomasa en Galicia.

3. EQUIPO REQUIRIDO

O adxudicatario contará co persoal necesario para a execución do contrato, designando, polo menos:

- Un director ou responsable do proxecto, encargado de realizar as tarefas comprendidas de contratación e actuará como interlocutor en relación a todas as cuestións pertinentes.
- Un técnico responsable das tarefas de apoio e coordinación para a correcta execución das actividades descritas, coa suficiente experiencia en proxectos similares.

O adxudicatario queda obrigado a presentar para a realización do servizo os medios persoais, materiais e técnicos precisos para garantir a boa execución do contrato e a adecuada realización das tarefas descritas.

4. DURACIÓN DO CONTRATO

A duración do contrato será desde a data de comunicación e aceptación por parte da empresa ata o **8 de decembro de 2025**.

5. ORZAMENTO DA LICITACIÓN

O prezo máximo dispoñible para a realización das actividades descritas (lotes) ascende ao seguinte importe:

- **Orzamento Lote 1: 10.000 euros**
- **Orzamento Lote 2: 15.000 euros**
- **TOTAL PREGO: 25.000,00 EUROS IVE INCLUÍDO**

O pago do servizo efectuarase tras a súa realización, previa presentación factura correspondente.

6. DOCUMENTACIÓN A PRESENTAR

As ofertas presentaranse nun arquivo electrónico diferenciado para cada unha das actividades descritas, onde se especifique “Proposta para a contratación para a execución das tarefas do convenio Clúster da Biomasa -INEGA (Lote 1)” ou ben “Proposta para a contratación para a execución das tarefas do convenio Clúster da Biomasa -INEGA (Lote 2)”.

En canto á documentación que debe conter a proposta, será a que se detalla a continuación:

a. Documentación Administrativa

Presentación breve do licitador e da súa experiencia no ámbito da prestación dos servizos de apoio ás actividades propostas, especialmente no ámbito de proxectos executados ao abeiro de convenios con organismos públicos rexionais.

b. Documentación Técnica

Proposta técnica na que se deberá incluír unha memoria onde se especifique o contido e características do servizo obxecto de contratación, a metodoloxía a seguir en cada unha das actividades descritas e o plan de realización dos traballos a desenvolver.

Adicionalmente, indicaranse Melloras de alcance do proxecto ou Obxectivos, así como todos os aspectos técnicos previstos para a correcta realización das actividades propostas e os recursos humanos previstos e os medios e materiais dispoñibles por entidades para o desenvolvemento das actividades.

c. Documentación Económica

Cada licitador deberá presentar unha oferta económica para cada unha das actividades descritas que se deberá formular como se indica no anexo 1. Igualmente, cada licitador deberá acreditar a súa solvencia económica e técnica.

A oferta coa documentación correspondente deberá ser presentada a través do correo electrónico info@clusterbiomasa.gal.

PRAZO: 10 días naturais desde a publicación do prego na web corporativa do Clúster da Biomasa <https://clusterbiomasa.gal/es/> e na prensa autonómica.

7. PROCEDIMIENTO DE ADJUDICACIÓN

a. Capacidade para contratar

Poderán presentar ofertas para a adjudicación do Contrato as persoas físicas ou xurídicas, españolas ou estranxeiras, a título individual ou en unións temporais de empresas, con plena capacidade de obrar que non se atopen incursas nalguna das prohibicións de contratar establecidas no artigo 71.1 da Lei 9/2017, de 8 de novembro, de Contratos do Sector Público - LCSP 2017 e acrediten a súa solvencia económica, financeira e técnica ou nos termos previstos na LCSP 2017.

b. Solvencia Económica e técnica

Para acreditar a solvencia económica, esixírase que aquelas entidades, ou conxunto de entidades cuxa facturación propia (ou agregada no caso de UTEs) sexa polo menos o triple da cantidade licitada para o servizo demandado en cada un dos tres últimos exercicios pechados. Para isto, xunto coa proposta, será necesario aportar unha certificación ou declaración que así o afirme.

Previo á firma do contrato coa entidade adjudicataria, solicitarase aquela documentación necesaria para efectuar a comprobación da solvencia requirida.

A solvencia técnica acreditarase a través dunha declaración responsable de ter participado en outros proxectos similares, financiados con axudas públicas de organismos públicos de Galicia.

c. Mesa de Contratación

A Mesa de Contratación será quen decida sobre a contratación e estará constituída por un presidente, un secretario e un técnico.

d. Criterios de valoración

Tendo en conta a natureza da prestación de servizos a contratar, propónse como criterios de adxudicación os seguintes, seguindo a seguinte distribución da puntuación:

Criterios de valoración	Puntos
<p>Prezo ou proposta económica</p> <p>Concederáse o máximo de puntuación asignado a este criterio, 30 puntos, á oferta económica máis vantaxosa. Determinarase proporcionalmente a puntuación das restantes ofertas de acordo coa seguinte fórmula:</p> <p>Puntuación asignada = 30 x (oferta máis económica sen IVE/Oferta a valorar sen IVE)</p>	30 puntos
<p>Proposta técnica (valoración subxectiva)</p> <ul style="list-style-type: none"> - Experiencia na execución de actividades similares - Metodoloxía - Equipo de traballo 	50 puntos
<p>Melloras ao alcance descrito</p> <p>5 puntos por cada mellora considerada como relevante ata un máximo de 20 puntos</p>	20 puntos

e. Documentación Xustificativa

Unha vez realizada a adxudicación, concederáse un prazo máximo de 5 días naturais ao adxudicatario para presentar a documentación xustificativa de estar ao corrente no cumprimento das súas obrigas tributarias e coa Seguridade Social, e calesqueira outros documentos acreditativos de aptitude que se especifiquen nos Pregos.

f. Publicidade

A empresa adxudicataria das actividades farase cargo do custe do anuncio en prensa do presente concurso en un dos diarios de maior tirada onde ten a súa sede, de acordo coas tarifas que resulten vixentes á data de publicación (máis o IVE correspondente), abonándose o seu importe ao Clúster da Biomasa de Galicia a través da nota de cargo que esta emitirá no momento da firma do contrato e que deberá se aboada no prazo de 5 días naturais e entregado o comprobante bancario de transferencia neste mesmo prazo.

8. ANEXO 1. MODELO DE OFERTA ECONÓMICA

Dº/Dª _____, DNI nº _____, actuando en nome de _____ con CIF nº _____ con domicilio fiscal en _____ con correo electrónico _____ e telefono _____ coñecedor das condicións e requisitos que se esixen para a adxudicación do contrato de _____:

Manifesta:

Que coñecido o prego de cláusulas administrativas particulares e de descrições técnicas que deben rexer a contratación referida, e aceptando íntegra e incondicionalmente o seu contido, comprométese a executar o contrato de referencia, con estrita suxeición aos requisitos e condicións sinalados nos pregos de cláusulas administrativas e de prescrições técnicas, nas seguintes condicións:

Prezo (en número e letra):

- Prezo (sen IVE):
- IVE:
- Prezo total:

Para todos os efectos, a presente oferta comprende non só o prezo do contrato como tal, senón tamén o importe do Imposto sobre o Valor Engadido a tenor do disposto no artigo 25 do Real decreto 1624/1992, do 29 de decembro.

Fai constar que na presente licitación (indíquese o que proceda):

___ Non concorre con empresas vinculadas.

___ Concorre coa/s seguinte/s empresa/s:

Denominación:

CIF:

En _____, a ___ de _____ de 2025.

Fdo: